

Organizacije civilnog društva u BiH poručuju

**vrijeme je da bh. socijaldemokratiju  
predvodi principijelna političarka**

Svjedoci/kinje smo da je politika u postdejtonskoj Bosni i Hercegovini "muška". Nemamo ni jednu ministricu u Vijeću ministara BiH već skoro deset godina, a u Predsjedništvu BiH nikad nismo članicu ove vrhovne bh. institucije. Ništa nije bolja situacija na nižim nivoima vlasti.

Slična situacija je i sa političkim strankama u BiH. Pored Lamije Tanović, nekadašnje predsjednice Liberalno demokratske stranke BiH, nikada nismo imalu ženu predsjednicu jedne relevantne parlamentarne stranke.

Imajući sve ovo na umu, i činjenicu da se Socijaldemokratska stranka Bosne i Hercegovine nalazi na jednoj prekretnici, javno pozivamo članove i članice SDP-a, ali građane/ke, da podrže Besimu Borić, članicu Predsjedništva SDP-a u njezinoj kandidaturi za predsjednicu ove stranke.

Besima Borić je jedna od rijetkih političarki u današnjoj BiH koja se poštovana u cijeloj državi. Besima je radila sa narodom i za narod, uvijek spremna na susret sa građanima/kama i organizacijama civilnog društva kako bi diskutovala socijalne i političke izazove. Besima je žena sa jasnom vizijom, i u trenucima kada se trebala suprostaviti nepricijelnoj politici u svojoj stranici, ali i van nje, to je činila. U postdejtonskoj BiH pokazala se kao dobra političarka na lokalnom, kantonalnom i entitetskom nivou, kao sposobna ekspertkinja u zakonodavnoj ali i izvršnoj vlasti. Predvodnica je postdejtonske borbe za ravnopravnost spolova, prava radnika/ca i socijalna prava. Saradnica je bezbroj programa i aktivnosti ženskih nevladinih organizacija, ali i uopšte organizacija koje zagovaraju poštivanje ljudskih prava. Kao takva, pružila je podršku pravima povratnicima/ama, Roma/kinja i LGBT osoba, i dokazala da je principijelna socijaldemokratkinja.

Mi, organizacije civilnog društva i pojedinci/ke, potpisnice ovog saopštenja, iskreno i istinski pozivamo delegate i delegatkinje vanrednog kongresa SDP-a BiH, koji će biti održan 6. decembra, da Besimu Borić izaberu za svoju predsjednicu i da na taj način socijaldemokratiji u Bosni i Hercegovini dadnu novo lice.

**Organizacije potpisnice:**

Sarajevski otvoreni centar, [www.soc.ba](http://www.soc.ba);

Fondacija CURE Sarajevo, [www.fondacijacure.org](http://www.fondacijacure.org);

Centar za političke studije, [www.cps.ba](http://www.cps.ba);

UG Budućnost Modriča, [www.buducnost-md.com](http://www.buducnost-md.com);

Udruženje Žene ženama, [www.zenezenama.org](http://www.zenezenama.org);

Fondacija Udružene žene Banja Luka, [www.unitedwomenbl.org](http://www.unitedwomenbl.org);

UŽR Bolja Budućnost Tuzla, [www.bolja-buducnost.com.ba](http://www.bolja-buducnost.com.ba);

Udruženje građanki Grahovo, [www.nvozenegrahova.ba](http://www.nvozenegrahova.ba);

INFOTEKA Zenica;

Kolektiv.ba, [www.kolektiv.ba](http://www.kolektiv.ba)

Borka Rudić, građanka.